



Broj: 17-06-1-023-129/16
Sarajevo, 13.06.2016. godine

Na osnovu člana 15. Zakona o Graničnoj policiji Bosne i Hercegovine ("Službeni glasnik BiH" broj: 50/04, 27/07 i 59/09) i člana 70. Zakona o javnim nabavkama Bosne i Hercegovine "Službeni glasnik BiH" broj: 39/14), direktor Granične policije Bosne i Hercegovine, d o n o s i

O D L U K U

I

Prihvata se preporuka Komisije za javnu nabavku, da se nakon sprovedenog otvorenog postupka za nabavku sredstava za održavanje higijene i čišćenja za potrebe Granične policije Bosne i Hercegovine, zaključe okvirni sporazumi sa niže navedenim ponuđačem, čija je ponuda bila sa najnižom ponuđenom cijenom, od ponuda koje su ocijenjene kao prihvatljive.

za LOT 1 – Ubrusi za ruke i toaletni papir, sa ponuđačem "DEFTER" d.o.o. Sarajevo čija ukupna cijena ponude bez PDV-a iznosi **23.400,00 KM.**

za LOT 2 – Sredstva za održavanje higijene, sa ponuđačem "DEFTER" d.o.o. Sarajevo čija ukupna cijena ponude bez PDV-a iznosi **9.233,90 KM.**

II

Izabrani ponuđač dužan je da dostavi dokaze o ispunjavanju uslova iz tačke 12 tenderske dokumentacije u roku od 5 dana od dana prijema ove Odluke.

III

Odluka stupa na snagu danom donošenja.

O b r a z l o ž e n j e

Granična policija Bosne i Hercegovine Odlukom broj: 17-06-4-16-2-24/16 od 10.03.2016. godine pokrenula je postupak javne nabavke sredstava za održavanje higijene i čišćenja za potrebe Granične policije Bosne i Hercegovine, putem otvorenog postupka. Na javnom otvaranju ponuda održanom 06.04.2016. godine konstatirano je da je za LOT 1 ukupno pristiglo osam blagovremenih ponuda i to ponuđača: "KECKOM" d.o.o. Banja Luka, "ECOTIME" d.o.o. Sarajevo, "PRIMAPROM" d.o.o. Banja luka, "R & S" d.o.o. Sarajevo, "GOLD MIGNON" d.o.o. Sarajevo, "PENNY PLUS" d.o.o. Sarajevo, "INTER-COM" d.o.o. Zenica i "DEFTER" d.o.o. Sarajevo.

Pregledom pristiglih ponuda za LOT 1 Komisija je konstatirala da su ponude ponuđača "ECOTIME" d.o.o. Sarajevo i "DEFTER" d.o.o. Sarajevo prihvatljive, budući da su ovi ponuđači dostavili uzorke koji su u skladu sa tenderskom dokumentacijom.

Ostali ponuđači nisu dostavili uzorke koji su u skladu sa tenderskom dokumentacijom, i njihove ponude ocijenjene su kao neprihvatljive.

Komisija je dala preporuku da se Okvirni sporazum za LOT 1 nabavka ubrusa za ruke i toaletnog papira za potrebe Granične policije Bosne i Hercegovine, zaključi sa ponuđačem "DEFTER" d.o.o. Sarajevo čija ukupna cijena ponude bez uračunatog PDV-a iznosi **23.400,00 KM.**

Za LOT 2 ukupno je pristiglo sedam blagovremenih ponuda i to ponuđača: "KECKOM" d.o.o. Banja Luka, "PRIMAPROM" d.o.o. Banja luka, "R & S" d.o.o. Sarajevo, "GOLD MIGNON" d.o.o. Sarajevo, "PENNY PLUS" d.o.o. Sarajevo, "INTER-COM" d.o.o. Zenica i "DEFTER" d.o.o. Sarajevo.

Obzirom da Komisija za javnu nabavku prilikom pregleda dostavljenih uzoraka nije mogla utvrditi da li dostavljeni uzorci za stavku 20- kuglice za pisoar, zadovoljavaju karakteristike propisane tenderskom dokumentacijom, kojom je propisano da kuglice moraju osiguravati biorazgradivost koja prelazi 80%, dana 31.05.2016. godine, zatraženo je pojašnjenje od ponuđača: "DEFTER" d.o.o. SARAJEVO, "PRIMAPROM" d.o.o. BANJA LUKA, "R & S" d.o.o. SARAJEVO i "GOLD MIGNON" d.o.o. SARAJEVO. Od svih naprijed navedenih ponuđača, dostavljena su tražena pojašnjenja. Nakon uvida u pojašnjenja Komisija je ocijenila da su dostavljeni uzorci kuglica za pisoare od svih ponuđača u skladu sa tenderskom dokumentacijom. Pregledom svih dostavljenih uzoraka i opšte dokumentacije svih ponuđača utvrđeno je da su sve ponude za LOT 2 prihvatljive.

Komisija je dala preporuku da se Okvirni sporazum za LOT- 2 sredstva za održavanje higijene za potrebe Granične policije Bosne i Hercegovine, zaključi sa ponuđačem "DEFTER" d.o.o. Sarajevo čija ukupna cijena ponude bez uračunatog PDV-a iznosi 9.233,90 KM.

Na osnovu naprijed navedenog odlučeno je kao u dispozitivu.

POUKA O PRAVNOM LIJEKU: Protiv ove Odluke može se izjaviti žalba Uredu za razmatranje žalbi u roku od 10 (deset) dana od dana prijema Odluke. Žalba se predaje putem Granične policije Bosne i Hercegovine.

DOSTAVITI:

- ⊖ Ponuđačima (x8)
- Odsjek za poslove nabavke i logistike
- A/a

DIREKTOR
Glavni generalni inspektor


Zoran Galić